

428. **Spiranthes Millei** Schltr., spec. nov.

Terestris, erecta, c. 50—55 cm alta; radicibus crassiusculis, villosis; foliis basilaribus c. 7, rosulatis, longipetiolatis, lamina elliptica subacuta, glabra, 4,5—6 cm longa, medio fere 1,8—2,5 cm lata, petiolo basi dilatata amplectente usque ad 10 cm longo; scapo stricto, vaginis paucis arcte amplectentibus acuminatis dissitis obsesso, e basi glabra apicem versus glanduloso-puberulo; bracteis lanceolatis, acuminatis, ovarium vulgo paulo excedentibus; floribus illis *S. lineatae* Ldl. similibus sed paulo majoribus; sepalis lanceolato-ligulatis, acutis, basi extus sparsim glanduloso-puberulis, caeterum glabris 1 cm longis, lateralibus obliquis; petalis sepalo intermedio agglutinatis, oblique et lineari-ligulatis, obtusis, glabris, 9 mm longis; labello subsessili e basi oblonga, ima basi subhastato-auriculata tertia parte anteriore angustato obovato, obtusissimo, medio minute puberulo, supra medium lamellis 2 parallelis humilibus et brevibus ornato, 9 mm longo, medio 3,5 mm lato, antice fere 2 mm lato; columna gracili puberula, rostello glabro incluso c. 7,5 mm longa; ovario sessili cylindraceo, glanduloso-puberulo, c. 8 mm longo.

Ecuador: Ad terram in silvis prope Pifi, c. 2800 m s. m., Louis Mille, no. 24.

Mit *S. Lindleyana* Link verwandt, aber in der Form der Lippe verschieden.